



22130507



**ARMENIAN A: LITERATURE – STANDARD LEVEL – PAPER 1**  
**ARMÉNIEN A : LITTÉRATURE – NIVEAU MOYEN – ÉPREUVE 1**  
**ARMENIO A: LITERATURA – NIVEL MEDIO – PRUEBA 1**

Wednesday 8 May 2013 (morning)  
Mercredi 8 mai 2013 (matin)  
Miércoles 8 de mayo de 2013 (mañana)

1 hour 30 minutes / 1 heure 30 minutes / 1 hora 30 minutos

---

INSTRUCTIONS TO CANDIDATES

- Do not open this examination paper until instructed to do so.
- Write a guided literary analysis on one passage only. In your answer you must address both of the guiding questions provided.
- The maximum mark for this examination paper is *[20 marks]*.

INSTRUCTIONS DESTINÉES AUX CANDIDATS

- N'ouvrez pas cette épreuve avant d'y être autorisé(e).
- Rédigez une analyse littéraire dirigée d'un seul des passages. Les deux questions d'orientation fournies doivent être traitées dans votre réponse.
- Le nombre maximum de points pour cette épreuve d'examen est *[20 points]*.

INSTRUCCIONES PARA LOS ALUMNOS

- No abra esta prueba hasta que se lo autoricen.
- Escriba un análisis literario guiado sobre un solo pasaje. Debe abordar las dos preguntas de orientación en su respuesta.
- La puntuación máxima para esta prueba de examen es *[20 puntos]*.

Հետևյալ հատվածներից **մեկի** մասին գրեք մի գրական մեկնաբանություն: Ձեր պատասխանը պետք է շոշափի ներկայացված երկու հարցումները:

1.

5 Հազար ութը հարյուր յոթանասուն... չեմ հիշեր՝ քանիին, սեպտեմբերի երեսունը մեկին,— ներեցեք, երեսունին պիտի ըսեի, վասնզի սեպտեմբերն երեսուն օր միայն ունի,— երկար և ընդարձակ թիկնոցի մը մեջ փաթաթված միջահասակ և գիրուկ մարդ մը, որ Տրապիզոնի շոգենավեն նոր ելած էր, Ղալաթիո նավամատույցին վրա կայնած նավակն մը յուր սնդուկները հանել կաշխատեր:

10 Կը տեսնեք՝ որչափ պարզությամբ սկսա: Պատմությունս հետաքրքրական ընելու ջանքով և անկից քանի մը հարյուր օրինակ ավելի ծախելու համար չըսի, թե նույն օրն սաստիկ հով մը կար, թե տեղատարափ անձրև կուգար, թե խառն բազմություն մը հետաքրքրությամբ դեպի Ղալաթիո հրապարակը կը վազեր, թե ոստիկանությունն աղջիկ մը ձերբակալած էր և այլն խոսքեր, որովք վիպասաններն կսկսին միշտ իրենց վեպերը: Ես ալ կրնայի ըսել այս ամենը, բայց չըսի, որովհետև նույն օրն ոչ հով կար, ոչ անձրև, ոչ խուռն բազմություն և ոչ ձերբակալված աղջիկ մը:

15 Այս ճամփորդն օժտված էր գույգ մը խոշոր և սև աչքերով, գույգ մը հաստ, սև և երկար հոնքերով, գույգ մը մեծ ականջներով և գույգ մը քիթեր... չէ՛, չէ՛, մեկ քիթով, թեպետ և բայց գույգ մը քիթերու տեղ կրնար ծառայել. անոր մեծությունը սխալեցուց զիս: Ուներ այնպիսի նայվածք մը, որուն եթե պ. Հ. Վարդուվյան\* հանդիպեր յուր աչերով, կը հարցուներ այդ մարդուն. «Ի՞նչ ամսական կուգես թատրոնիս մեջ ապուշի դեր կատարելու համար»:

20 Սնդուկներն և անկողինն, որ քուրջի մը մեջ ներփակված էին, նավակեն հանելուն պես ճամփորդն քաշեց քսակն ու նավավարին իրավունքը վճարելով՝ բեռնակիր մը կանչեց: Հինգ բեռնակիրներ ներկայացան իրեն: Տարակույս չկա, որ եթե հինգ կանչեր, քսան և հինգ պիտի ունենար յուր առջև մայրաքաղաքիս սովորությանը համեմատ:

25 — Ո՞ր կողմ պիտի երթաք աղա,— հարցուց բեռնակիրներեն մին՝ մեկ ոտքը սնդուկներեն միույն վրա կոխելով:

— Բերա, Ծաղկի փողոց, թիվ 2 պիտի երթամ,— պատասխանեց խոշոր մարդը:

— Շատ աղեկ, հասկցա, Բերա, Ծաղկի փողոց... պատվական փողոց մ'է,— ըսավ հարցումն ընող բեռնակիրն և սնդուկին մեկն ալ շալկելով սկսավ երթալ:

30 — Ծաղկի փողոցն էս ալ գիտեմ,— ըսավ երկրորդ բեռնակիրն և սնդուկին մեկն ալ ինք առնելուն պես՝ Բերայի ճամփան բռնեց:

— Ես ամեն օր կերթամ Ծաղկի փողոցն,— ըսավ երրորդն և մարդուն անկողինը գետնեն վերցնելն, կռնակին վրա առնելն ու վազելն մեկ ըրավ:

35 Այս գործողություններն այնքան արագությամբ կատարվեցան, որ մարդը շվարելով սկսավ չորս կողմը նայիլ տեսնելու համար բեռնակիրներն, որ բազմության մեջ անհայտ եղած էին:

Ճամփորդն ալ յուր սնդուկներուն ետևեն երթալ կը պատրաստվեր, երբ բարձրահասակ, թխադեմ, փոքր աչերով մարդ մը ուսերը տնկած, ձեռները շփելով և բռնազբոսյալ ժպիտով մը մոտեցավ անոր և քաղաքավարական ձևով մը ձեռները բռնելով հարցուց.

- 40 — Դո՞ւք եք, Արփստղոմ աղա, ե՞րբ եկաք, ո՞ր շոգենավով եկաք, ի՞նչպես եք, ձեր եղբայրն ի՞նչպես է, ազգային գործերն ի՞նչպես են Տրապիզոն, հացին գինը քա՞նի է հոն, անձրև եկա՞վ այս օրերս ձեր քաղաքը... վայ, Արփստղոմ աղա, վայ...
- Ես եմ Արփստղոմ աղան, հիմա եկա, տաճկի շոգենավով եկա, շատ աղեկ եմ, եղբայրս ալ աղեկ է, ազգային գործերն ալ աղեկ են Տրապիզոն, հացին գինը մեկ
- 45 դահեկան է, անձրև չեկավ այս օրերս մեր քաղաքը,— պատասխանեց փութով թիկնոցաբնական՝ առանց ճանաչելու այս անձն:
- Ներեցեք, թողություն ըրեք, որ չկրցի մինչև շոգենավ գալ զձեզ դիմավորելու համար: Ինձի գրված էր Տրապիզոնեն, որ այս շաբթու անպատճառ հոս պիտի գաք...
- Ես ատանկ բաներու չեմ նայիր:
- 50 — Արդարև մայրաքաղաքս ինքզինքը բախտավոր համարելու է ձեզի պես պատվական ազգային մը, շնորհալի երիտասարդ մը, ողջամիտ մեկը...
- Մնդուկներս...
- Ազնիվ սիրտ մը, վեհանձն հոգի մը...
- Բեռնա...
- 55 — Հայրենասեր անձ մը...
- Կիրները...
- Ազգասեր, ուսյալ, կրթյալ...
- Մնդուկ...
- Դաստիարակյալ...
- 60 — Ներս առին, տարին...
- Ազնվասիրտ, ազնվախոհ, ազնվադեմ մեկը իր մեջ ունենալու համար:
- Մնդուկներուս մեջ ատանկ բաներ չկան,— պատասխանեց Արփստղոմ աղան քալել սկսելով՝ բեռնակիրները գտնելու համար:

Հակոբ Պարոնյան, *Մեծապատիվ մուրացկաններ*, Պոլիս (1887)

\* Վարդովյան.- Հակոբ Վարդովյանը 70-80-ական թվականների անվանի գործիչ էր, դերասան, թատերական խմբերի կազմակերպիչ

- (a) Ինչպե՞ս եք ըմբռնում այս հատվածի կերպարներն ու նրանց իրարից տարբեր կազմավորումները:
- (b) Ձեր տեսակետը հայտնեք այն գրական հնարքների մասին, որոնք հեղինակն օգտագործել է ծիծաղ առաջացնելու համար այս հատվածում:

2.

**Ձմռան պարզ գիշեր**

Համբույրիդ, գիշե՛ր, պատուհանս է բաց,  
թո՛ղ որ լիառատ ծծեմ՝ հեշտագին  
կաթը մեղմահոս լույսիդ տարփանքին՝  
ու գով շաղերուդ կախարդանքը թաց:

5 Պարզ, լուսածածան, հրաշալի՛ գիշեր,  
հոսե՛ սրտիս մեջ դյութանքիդ ալիք.  
Ճերմակ երագիդ ցայտքերեն մեղրիկ  
պուտ-պուտ կաթեցու՛ր հոգվույս սիրաջեր<sup>1</sup>:

10 Կուզեմ որ դադրին ձայներն այս պատիր,  
ու նեկտարիդ դողն ըմպեմ ես անհագ.  
կուզեմ որ մեռնի՛ն տիվ ու ժամանակ՝  
ու դաբիրներուդ<sup>2</sup> իյնամ ծնրադիր:

15 Ու դաբիրներու՛դ իյնամ ծնրադիր,  
այս պաղատագին շարժուձեւիս մեջ,  
ու մինչ կողողեն զիս ցուլերդ անշեջ,  
աչքերս ալ մոռնան տակավ այս նատիր<sup>3</sup>:

20 Ցնորաբե՛ր գիշեր, ա՛հ, ընդունե՛ զիս,  
ընդունե՛, միստիք ո՛վ անդորրություն,  
իմ աղերսակոծ շունչիս սոսավյուն,  
եւ համբույրն անանց՝ գոր կուտա հոգիս:

Մենյակս է լեցուն հուշքերո՞վս աղի  
երեկի հովին վայրագ տարփանքին.  
ու դեռ կը հծծեն խորշերն ողբագին  
վախը գրգանքին անոր կատաղի:

25 Ն՛երս խուժե ուժգին. նե՛րս պատուհանես  
ու լեցուր խցիկս, մինչեւ կաթոգին  
քու սրբությունով իր խորշերն հորդին,  
եւ ես արթննամ վաղնջուց քունես:

30 Համբույրի՛դ, գիշե՛ր, պատուհանս է բաց,  
թո՛ղ որ լիառատ ծծեմ՝ հեշտագին կաթը  
կաթը մեղմահոս լույսիդ տարփանքին՝  
ու գով շաղերուդ կախարդանքը թաց:

Միսաք Մեծարենց, *Ծիածան*, Պոլիս (1907)

---

<sup>1</sup> սիրաջեր:- Ջերմ սիրով, սրտագին

<sup>2</sup> դաբիրներուդ:- Տաճարի սրբագոյն համարված մասը, որ Աստծո հետ հաղորդակցվելու վայր է համարվում

<sup>3</sup> նատիր: Ցածրագոյն կետ:- Անձի ոտների ներքև գտնվող կետը: Ջենիթի հակադիր կողմը

- (a) Ինչպե՞ս ես մեկնաբանում բանաստեղծի հոգեմտավոր աշխարհը այս զգացումներով հազեցած քառյակների միջոցով:
- (b) Բանաստեղծության կառուցվածքն ինչպե՞ս է նպաստում ընդհանուր քերթվածի իմաստին: